

غادة خالد

بدون
مقابل


رواية

دار قصص وحكايات للنشر الإلكتروني ٢٠٢٠

بدون مقابل

رواية قصيرة

غادة خالد الحداد



قصص وحكايات
للتنشر الإلكتروني

دار

kesasandhekayatpub.blogspot.com

العنوان: بدون مقابل

النوع الأدبي: رواية قصيرة

المؤلف: غادة خالد الحداد [\(نبذة\)](#)

المُدقق اللُّغوي: الكاتب بنفسه

اللغة: فصحي

التنسيق الداخلي والإخراج الفني: رمضان سلمي برقي

تصميم الغلاف: رمضان سلمي برقي

سنة النشر: 2020

الحالة: حصريًا

رقم الطبعة: 1

رقم الكتاب بالدار: 57

تم النشر بواسطة دار قصص وحكايات للنشر الإلكتروني 2020

الدار غير مسؤولة عن أفكار الكُتّاب الواردة بإبداعاتهم؛ الكُتّاب وحدهم المسؤولون عنها.

[الموقع الصفحة الجروب](#)

إلى الارواح النقيّة التي تشعر بالألم وحدها...

إلى كل حبيبة.

سيمفونية سكون

لذات القلب الحنون

إلى التي كانت دائما تذكّرني برحمة الله وأنها تحاوطنا من كل جانب ، فما بالننا بمن
انتقل إلى رحمة الله!

أتذكر أنها كانت جميلة كالليالي العشر... كانت تدعو أن يظلني الله يوم الحشر.
إني أشهد أن الذي خلقك لا إله إلا هو ، فالقادر على خلق ذلك الوجه بلا شك
ليس كمثله شيء.

لا يبدو عليك الحزن كما تدّعين ربما لأنك مخلوق السعادة أو لأنك خلقتي
تبسمين.

لاحظت مؤخرا أنك تصمتين فدعيني أروي عليهم قصتك يا حبيبته.

غادة خالد الحداد



اليوم هو الأول لي في الجامعة، ظننت أنه بمجرد دخولي مبنى الكلية سأرتطم بأحدهم وتقع كتب كلانا على الأرض ونميل لنلتقطهم فتتلاقى أعيننا وتبدأ قصة جديدة وبالفعل بدأت قصة لكنها أنهتني تمامًا!

كان يشبه الأطفال بعينين جميلتين جدا تلمعان كالنجوم في وسط السماء، رمقني بنظرة حانية وظللت أحلم به ثم تحوّل هذا الحلم لكابوس أفزعني ذكراه كل عام في نفس الموعد.

مازلت أذكر ذلك العطر الذي كان يضعه ورائحة ملابسه التي كانت تخنق رُوحِي كلما جلست خلفه تماما، كانت تضميني لحد الاختناق وبالفعل اختنقت.

"إني لأجد ريح يوسف لولا أن تفتّدون"

كان سيدنا يعقوب لايزال يتذكر رائحة يوسف عليهما السلام لأنه أحبّه كثيرا وأنا مازلت أتذكر رائحتك لأنني أبغضك جدا إلى الحد الذي يجعل رائحتك عالقة في ذهني كأنها حدث كوني يستحيل نسيانه. يكفي حديث عنك فأنت لا تستحق سوى بضع أسطر في قصتي.

"كلا، فوالله لا يخزيك الله أبدا"

خديجة لرسول الله (صلى الله عليه وسلم)

لا شك أن الله الذي خلقنا وخلق بداخلنا القدرة على الحلم لن يضيّعنا.

الأحلام تتغير والكابوس واحد، وفي كل مرة عليك أن تستيقظ من هذا الكابوس
مُعافي بداخلك طاقة جديدة تبعث لك القدرة على تخطي نفس الكابوس مرة
أخرى.

تلك كانت المرة الأولى التي تخور فيها قواي ولم تكن الأخيرة، لا تنظر لي هكذا فأنت
سيء جدا ولن أصدق العكس .

مهلا! حتى أسطري خانتني وقررت أن تكون عنك مرة أخرى.

سأبحث عن عالمي الخاص وأزينه بحضوري وتأكد أن رائحتك لن تحيط سطوري.

أنا يا صديقي أملك أخ وأخت وكلاهما رائعين جدا وقد كان أخي يصغرنى بعامين

بينما أختي تكبرني بثلاث أعوام وكانت تمتلك عيون جميلة وشعرها طويل بني

اللون وحظيت بقدر من احمرار الوجنتين وقد ورثته عن أمي وفي أحد الأيام كانت

تجلس بجوار شرفة غرفتها وتنظر للسماء وفي يدها كتابها المفضل وكلما همّت

بالمذاكرة استوقفتها إحدى النجمات كأنها تحاول الاقتراب من القمر.

هدى تجلس كل يوم في نفس المكان شاردة الذهن وهي تضع القليل من عطر أمي

وترتدي وشاحها الذي تتدلى منه بعض شعراتها فيرى المارّ بجوار النافذة انعكاس

ضوء القمر على شعرها البني اللامع وعلى عينيها التي تشبه العسل.

حاولت قطع شرودها بحديثي فأنا ثرثرة كما يصفني الجميع

بقولك مخطفنيش

-مخطفكيش ازاي يعني!

محستش بيه ومتشدتش ليه

-يا بنتي ده عينه عسلي

قولتلك أكثر من مرة مش بالشكل

-أومال بإيه بقى؟

بأول ما يبدأ يتكلم ، يعني في واحد يفتح كلام بكلمة ازيك وتسمعها كأنها بحبك

فتبقي عاوزة تقوليله ازيك جدا وفي واحد يقولك ازيك فتبقي عاوزة تقوليله

الله يسلمك شالله يخليك .. فاهمة حاجة؟

-يعني مش بالشكل بس بالصوت ولا إيه!

اما تكبري هبقى اقولك

بعد مرور شهرين تقدّم أحدهم لخطبتي وأتذكر أنه كان يشبهك حين تتحدث لكنه

في النهاية لم يكن أنت.

جاءت أختي لتسقينني من نفس الكأس الذي أسقيتها منه تقريبا

-رفضتي العريس ليه يا أبله حبيبة؟

جاوبتها بكل بساطة "مخطفنيش"

جميعنا كان يجب أن يرحل منذ انقباضة صدورنا الأولى ولم نفعل.

زرتني الليلة الماضية في أحلامي وكنت تنظر إليّ وكأنني اقتلعت قلبك من بين

أضلعك.

استيقظت وارتديت ملابسني ولأن اليوم الجمعة قررت أن أذهب لزيارة إحدى

صديقاتي التي تُدعى مَلِك ، يبدو أن من اختار الاسم كان يعلم أنها حين تكبُر

ستشبه الملائكة حقا.

طرقت باب منزلها وهممت بالمغادرة لكنها فتحت الباب وكانت تنظر لي بخوف

شديد وكأنني أحمل مطرقة في يدي.

ملك كانت قصيرة القامة وتبدو كطفلة صغيرة بريئة وعلى عكس جميع صديقاتي
 امتلكت ملك عيون زرقاء وشعر أصفر كالأجانب تماما وهذا ما جعل الجميع يظن
 أنها نالت قدر كافي من اسمها.

أردت خلع هذا الخوف من بين روحها فبادرت بالحديث حين لم تدعوني للداخل.

-ازيك يا ملك

أهلا يا حبيبة

-مش متقوليلي اتفضلي ولا ايه؟

اتفضلي طبعاً

ما هذا الشعور؟ إنه نفس شعوري حين تكون متواجد بنفس المكان الذي أنا به..

ويبدو أنك متواجد بالفعل!

لم أجد سوى سؤال بديهي جدا يخرج من بين شففتاي

-طارق بيعمل ايه هنا يا ملك؟

افهمي بس يا حبيبة انا هوضحك

-توضحي ايه انتي مجنونة! انا قولتلك كل حاجة!

انتي عارفة انه ابن خالي يا حبيبة وبعدين ده جاي نذاكر مش أكثر

-يعني من وسط كل الناس اللي في الكلية ملاقيتيش غير طارق!

نظرت ملك إليّ ولم تعقب، يبدو أنه حدث ما كانت تخشاه

اقتربت أنت وحاولت إمساك يدي ودفعي للداخل وأنت تتمتم " ادخلي وهنتفاهم"

فما كان مَيّ إلا أن أمسكت مزهرية وحاولت دفعك بها وأثناء محاولاتي لتفلت يدي

حطّمت المزهرية لكن ليس على رأسك، بل على رأس ملك التي كانت تحاول أن

تبعدنا عن بعضنا ثم سقطت على الأرض.

كنت أصرخ بكل قوتي قائلة مقتلهاش والله ما قتلتها فأيقظتني أختي وضمّمتني

بشدة وأخبرتني أنه كان كابوسا والحمد لله أنه كان مجرد كابوس كل ذلك كان مجرد

كابوس.

في نفس اللحظة دخل أبي ونظر إلينا بحزن ثم قال:

-حبيبة فوقتي يا حبيبتي عشان نروح نعزي أهل ملك

نعزيمهم في مين يا بابا؟

-ملك صحبتك .. لاقوها الصبح مقتولة بخبطة على دماغها..

اليوم فقدت أعز صديقاتي ، كان يومًا عصيبًا وشعرت وكأن العالم انقلب على

رأسي .. المؤسف حقاً أنني لم أحادثها منذ ثلاث شهور لأنها أعطتني القدر الكافي من

الحزن لكن ربما لو علمت مسبقاً أنني سأفقدتها لم أكن لأتوقف عن التحدث معها

لحظة وأدرك جيداً الوقت يمرّ سريعاً ليجعل الأشياء الكبيرة صغيرة بما يكفي.

جاءت أختي إلى غرفتي للتحدث معي وجميع من في البيت يعلم أنني أمرّ بمرحلة

إنكار قاسية جداً.

-يا بشمهندسة حبيبة

مس لو سمحتي

-طيب يا دكتورة كفاية مذكرات واستعدي عشان الناس اللي جاية

حاضر

-سمعت انه كان عندك امتحان

يا هدى الامتحان الحقيقي مش هنا ، في الاخرة ان شاء الله يا قلبي

-هتشيلي يعني؟

هشيلك انتِ دلوقتي ارميكِ من الشباك لو ممشيتيش حالا

-ماشية ياختي وابقى اعلمي الأكل لنفسك

أتذكر أنه كان قصير القامة وبشرته سمراء قليلا، وقد امتلك من الوسامة القدر

الكافي لإيقاع أي فتاه في شباكه لكنه أخذ يتحدث وكأنه قد ورثني عن جده الأكبر.

- بصي يا آنسة حبيبة بصراحة كدة انا عاوز إنسانة تكون شاطرة جدا في شغل

البيت يعني مفيش تقصير في البيت ومن ناحية ثانية تكون مثقفة وعندها فكرة

عن أساليب التربية الحسنة وطبعاً معنديش مانع انك تشتغلي وتكملي دراستك لو

حابة وممكن اشجعك تعملي دراسات عليا.

هذا ما قاله لي وأتذكره جيداً كما أتذكر أنه احتسى كوب العصير كاملاً وتذمّر أنه

كان يجب وضع القليل من السكر الإضافي.

كالعادة حاولت اختي انتزاع الرد لأن أبي في كل مرة كان يعجز عن ذلك فيستعين بنا

للقيام بهذه المهمة.

-ها يا حبيبة ، ايه رأيك؟

في ايه؟

-في العريس

من انهي اتشجاه

-هو انتي يا بنتي متعرفيش تتكلمي بجد أبدا!

مهو بصراحة الموضوع مش محتاج تفكير هو باين من اولها

-طيب هقول لبابا يقولهم كل شيء قسمة ونصيب

ياريت والله يبقى كتر خيرك

دعني لأرتاح في عينيك من قسوة العالم الخارجي

شعرت بطيفك خلفي وكنت تجول في غرفتي وكأنه بيتك، نظرت لي بحب كما تفعل

دائماً لكنني لم أعد بتلك السذاجة ولم يعد يجذبني وقع ابتسامتك على قلبي أو

تحريكك لشعرك الأسمر بأصابعك أثناء الحديث.

قررت أن تبدأ الحوار متلفظاً بإسمي وقد بدا وكأنك تنطقه لأول مرة.

-حبيبة-

انت بتعمل ايه هنا؟

-محتاج أتكلم معاكي-

تتكلم معايا ف ايه! ودخلت هنا ازاى أصلاً؟؟

-مش موضوعنا دلوقتي ، انتي لازم تساعديني نعرف مين عمل كدة ف ملك..

أساعدك بمناسبة إيه!

-بمناسبة انه احتمال اسمنا ييجي في القضية-

بص يا طارق أيا كان اللي بتحاول تعمله فمش هينجح

-بس انتي لسة بتحبيني وهتساعديني-

الله هو الأمان في فوضى هذه الأرض.

كان أبي جميلاً جداً وحين غطّى الشيب شعره ازداد جمالاً وبعد رحيل أمي صار
كالأم الحنونة.

نظر لي أبي بشفقة شديدة وقال:

-يا بنتي طالما عاوزة تنامي قومي نامي في اوضتك، بقالك 3 أيام صاحية

مش هعرف يا بابا هفضل قاعدة هنا عشان منامش

ذهب الجميع للنوم وتركوني مستلقية على الأريكة أمام التلفاز وفجأة انقطعت

الكهرباء وصار كل شيء مظلمًا وظهرت فتاه جميلة ترتدي وشاح أبيض يشبه

وشاح أمي واقتربت ثم نظرت في عيني مباشرة .. إنها ملك وإنه وشاح أمي

أخذت تتحرك في أرجاء الغرفة وهي تميل برأسها جهة اليمين ثم اقتربت مرة أخرى

وصرخت في وجهي

قتلتيني ليه يا حبيبة!

محصلش يا ملك والله ما حصل

-عملتلك إيه لده كله؟

مش انا اللي قتلتك صدقيني

تغيرت نبرة صوتها وازدادت حدته

-أنا حبيته غصب عني وانتي اللي سيباه من الأول

أيوة انا اللي سبته عشانك ولأني عارفة انك كنتي بتحببيه، يبقى ليه هقتلك!

-عشان عرفتي اني حامل فصعبت عليك نفسيك

كنتي حامل!

-انتي كنتي عارفة

مكنتش اعرف صدقيني

-ولما مش انتي اللي قتلتيني .. ده بيعمل ايه عندك!

أيقظتني أختي لأذهب للكلية

-الحمد لله أخيرا نمتي شوية

هدى أنا عاوزه أقولك حاجة

-قولي يا حبيبة خير ايه اللي حصل؟

طارق كان هنا امبارح ووو....

- طارق مين يا حبيبة! ، ده سافر اليابان من يومين عشان الشغل وانا نسيت

أقولك.

الموت هو الحقيقة الكبرى التي لا مفرّ منها وهناك أرواح تموت وهي مازالت على

قيد الحياه، تعيش بجسدها فقط بين الأحياء ولا ينالها حتى دعائهم كالأموات.

كنا نجلس سويا أنا وصديقتي لنحتفل بانتهاء الاختبارات ، قصدنا حديقة ما

وجلسنا تحت شجرة ينعكس عليها ضوء الشمس لنتلقط بعض الصور وأثناء

شجاراتنا المعتادة حول من يلتقط السيلفي قالت مريم صديقتنا الشقراء كما كنا

ندعوها: - الصورة ناقصة ملك يا بنات

جميعنا كنا ندرك ذلك لكننا نحاول أن نتصرف وكأنها مازالت معنا وتحتفل بانتهاء

الاختبارات أيضا

ردت عليها سارة في حزن: راحت عند اللي أحسن مننا كلنا .. عارفين ايه اللي

مضايقتني فعلا؟ انها معملتش حاجة وحشة ف حد عشان يقتلها.

فقال سالي: بيقولوا حادث سرقة.

هنا اندفعت دون إدراك لما كنت أقول: لأ مش سرقة دي حاجة تانية

نظر الجميع في اندهاش ولسان حالهم يقول (عرفت منين دي)؟

ثم أكملت: مفيش حاجة ناقصة من البيت يبقى مش سرقة.

فعادوا لحديثهم ثم تحدثت مريم مرة أخرى:

صعبانة عليا ملحقتش تاخذ رزقها من الحب

وهنا جاء دوري المعتاد لتخفيف شدة الموقف:

بصي يا مريم الأرزاق متقسمة بالعدل يعني كل واحد بياخذ نصيبه بس بدرجات

متفاوتة، يعني ممكن حد رزقه يكون زيادة في الأهل وممكن حد رزقه يكون زيادة

فلوس وممكن حد رزقه يكون زيادة في الحب وممكن في الذرية الصالحة وممكن في

الصحة وهكذا إنما الأکید انه كلنا بناخذ رزقنا في حاجات معينة واللي بيبقى

عنده نقص في حاجة ربنا بيعوضهاله في حاجة تانية.

عدنا لمنازلنا وقلوبنا يملؤها الأسى

دخلت إلى غرفتي دون أن ألقى التحية على أبي وإخوتي.

البعض يظن أن الشخص الجيد وُلد ملاكًا ليرشدهم أو أن الشخص الناجح خُلق

ناجِحًا فقط ليلهمهم لكن في الحقيقة أن ما مررنا به في الماضي وما كنا عليه هو

مفتاح ما نحن عليه الآن .

فما كان في الماضي صار له ، ونحن ما زلنا على قيد الأمل.

When someone is in love, he seems to be at the center of the universe

قاطعتني أختي كما كانت تفعل دائما

-بتكتبي ايه يا حبيبة؟

سيبيني ف حالي بقى ابعدني عني بقى

-كملي وبعدين

محدث سامعني ليه؟ محدش شايفني ليه

-ده بجد! وحصل امتي؟

عاملة أكل ايه انهاردة يا هدى؟

-عاملة بانيه ومكرونة واعملي حسابك هتستلمي الشغل من بكرة

ده بدل ما تستقبلي أختك بحلة محشي بعد شهر الامتحانات ده

-معلش .. مقولتيش بتكتبي ايه؟

جملة عجباني مش أكثر

-طيب عاوزاكي في موضوع

خير اللهم اجعله خير

-انتي كويسة؟ أنا عارفة انه الي بيحصل ده صعب وخايفة عليكي فلو حابة احنا

ممك نساfer أو لو حابة تشوفي دكتور

لأ أنا كويسة يا هدى

-بس انتي بتشوفي حاجات غريبة يا حبيبة

دي أحلام يا هدى نتيجة التوتر

-يا بنتي ما كلنا بنتعرض للضغط والتوتر وانا قلقانة عليكي

يووووووه ما خلاص بقى يا ملك

-ملك! أنا هدى يا حبيبة

هنا شرعت بالبكاء وضممتني أختي بشدة وجاء أبي وأخي الصغير لمواساتي فأدركت

حينها أن رزقي الحقيقي هو أهلي

تأهية أنا يا صديقي بين أسطرك الأخيرة التي غلّفها بأسفك السيء جدا مثلك

ونسيت تماما أنه لا جدوى من أشياء تأتي متأخرة كقبلة اعتذار على جبين ميت.

شعرت بك مرة أخرى وكأنك أقسمت أن تترك روحك تطوف حول قلبي.

-ازيك يا حبيبة

لأ أنت مش حقيقي أنا بحلم

-ده أنا يا حبيبة ورجعت عشانك

مستحيل انت في اليابان عشان شغلك

-هدى كلمتي وقالتي اللي بيحصلك فنزلت مصر عشان أجيلك وأتكلم معاكي

وباباكي عارف وسمحلي عشان حالتك

أنا كويسة متقلقش واتفضل امشي

-طيب قوليلي بتشوفي ايه

ملكش دعوة

-قولي بالله عليك يمكن أقدر أساعدك

قتلتها عشان كانت حامل صح؟

-هي مين دي يا بنتي؟

ملك .. هتكون مين؟ لحقت نسيتمها! طيب احترم انه اللي كان في بطنها كان ابنك أو

بنتك

-ملك! ملك مين يا حبيبة؟

مكنتش أعرف انه الإنكار هيوصل بيك لكدة!

-صدقيني أنا معرفش بتتكلمي عن مين

في تلك اللحظة دخل أخي مسرعا يعلو وجهه الفزع وقال محاولا التقاط أنفاسه:

-الحقي يا حبيبة قبضوا على هدى وهي راجعة من الشغل وقالوا لبابا انهم لقوا

شال أبيض عليه دم تحت سرير ملك ولما سألوا أهلها قالولهم انه شال هدى

صحابتها وكانت ديما لبساه

هنا كانت لحظة الانهيار، الماضي عاد ليُخفي طلاسـم روجك ، إنك سيئة جدا لأنك

تركتمهم ليتلاعبوا بروجك البريئة، أفقتي متأخرة لكن لم تكن النهاية قد وُضعت

بعد.

لا تنسى بعد إغلاق الصفحة أن تمزقها فالعودة لقرائتها مرة أخرى سيجعلك تود

أن تضيف بضعة أسطر جديدة وبمرور الوقت ستصير أسطر عديدة.

ذهبت إلى غرفة أختي لأتحدث معها عن كوابيسي وما أراه كل ليلة

- هدى كنت عاوزه اتكلم معاك شوية

اتفضلي يا حبيبتي انتِ كويسة؟

- أيوة كويسة بس في موضوع كدة

موضوع ايه مالك؟

- الكوابيس اللي بشوفها

شوفتي ايه؟

- شوفت ملك لابسة شال ماما اللي انتِ بتلبسيه وجاية تهمني بقتلها

يا حبيبتي دي مجرد أحلام وانتِ عشان زعلانة انه كان بقالكوا فترة مش

بتتكلموا فده إحساس بالذنب من ناحيتها مش أكثر

- لأ يا هدى وكمان بحلم بطارق وحاجات غريبة

انتي لسة بتحبيه يا حبيبة فحزنك على فراقه ارتبط بحزنك على ملك

وبدأتى تحلمي بالاتنين

- يعني انتي شايقة انه عادى؟

ايوة عادى متقلقيش

- تمام أنا هقوم أصلي المغرب

بقولك ايه يا حبيبة ، أنا بقالي 3 أيام مش لاقية الشال بتاع ماما وانتي

شايقة انا مشغولة ورايا مذاكرة كتير فلو ينفع تبقي تدوريلي عليه عشان

مبعرفش اركز من غيره

- حاضر هبقى ادورلك عليه

قطع صوته تفكيري وسكوني وشرودي المؤسف جدا

- حبيبة .. يا حبيبة اتكلمي قولي اي حاجة

في ايه يا طارق!

- يا بنتي انتي ساكتة كدة ليه وسرحتي ف ايه؟

ياريتني كنت دورت على الشال

- شال ايه دلوقتي انتي مصدقة الكلام ده؟

دي غلطتي انا

- بطلي تلومي نفسك على كل حاجة ويلا عشان نروح مع اخوكي

ذهبنا إلى مركز الشرطة ووجدت أختي خلف القبضان جالسة وممسكة برأسها

بين يديها ولا تجد ما تقول وأبي ذهب إلى الخارج ليتحدث مع محامي عبر

الهاتف فذهبت إلى ضابط الشرطة لأتحدث معه وقد كان قوي البنية وبدأ أنهم

صارم جدا لكن بالطبع لم يخيفني ذلك المظهر.

- حضرتك عندك إثبات على اتهامك ده؟

أختك يا فندم هتفضل هنا لحد ما يتم إثبات العكس

- عكس ايه؟ انتوا ازاي تاخدوا حد بدون وجه حق!

احنا لينا الأدلة والمحقق لسة هناك ولو توصلوا لحاجة هتاخدوها معاكوا

وانتوا ماشيين

- بعد ايه؟ ومين هيتحاسب على الأذى النفسي اللي اتعرضتله وشكلها قدام

الناس؟؟؟

تغيرت لهجة الشرطي ونظر في عيناى مباشرة بغضب شديد

- والله احنا رحنا لاقينا شال كانت هي بتلبسه وعليه دم فمش مسئولين عن

حالة حد النفسية خاصة لو كان قاتل

متقولش قاتل!

تدخل طارق الذي كان يقف متعجبا لما يسمعه ولأسلوبى الغريب وغضبي الشديد

- حاولي تهدي يا حبيبة ده مركز شرطة ومتقلقيش هناخدها واحنا ماشيين

أهدى! انت السبب في ده كله أصلا

- أنا السبب ازاى يعني يا حبيبة؟

من ساعة ما دخلت حياتي وهي بايظة

نظر لنا الضابط بسخرية وقال:

- ياريت يا فندم مشاكلك العائلية تحلها ف البيت وتتكلمي مع جوزك بهدوء

متقولش جوزي!

دخل أبي ليُطمئن أختي أن المحامي في الطريق

بعد غضون نصف ساعة وصل المحامي وتناقش مع الضابط أنه لا يوجد إثبات أن

الدم الموجود على الوشاح يخص ملك أو هدى وأن وجوده في مسرح الجريمة لا

يعني بالضرورة أن القاتل هو هدى فربما استعارته ملك قبل وفاتها وكانت ترتديه

وقت الجريمة ومؤكد أن القاتل لن يترك شيء مثل هذا خلفه.

كان على أختي أن تمضي ليلة خلف القضبان فعدت وأخي إلى البيت وظل أبي نائما

بالخارج حتى الصباح وفي اليوم التالي قرروا مقارنة الدم الموجود على الوشاح بدم

جميع المشتبه بهم وبالطبع كنت أنا وطارق منهم.

- متخافيش يا حبيبة

خايفة على أختي يا بابا

- متقلقيش لما تخرج ان شاء الله هنسافر اي مكان عشان تحاولوا تنسوا كل

حاجة حصلت في الفترة الأخيرة

يا رب يا بابا

لا تجعلي أحد يتكئ عليك بكل قوته أو يرى فيك الخلاص من تجربته المريرة.

عاد صوته إلى رأسي بكل هدوء

- آسف يا حبيبة

على ايه يا طارق؟

- على كل حاجة وصلتك للحالة دي

حالة ايه بقي؟

- العصبية والقلق والكوابيس

في تلك اللحظة تذكرت ما رأيت ، حتى لو أخبرتهم فلن يصدقني أحد، لن

يصدقني ذلك الشرطي الأحمق أو المحقق الماكر .. بل إنه حتى أبي لن يصدقني.

كنت بالخارج مع طارق ودخلنا مسرعين حين سمعنا صوت أبي يتشاجر مع

المحقق حول أمرٍ ما.

- الدم اللي على الشال مش دمها عاوزين ايه تاني؟

عاوزين نتأكد انه مش دم حد من الموجودين

- يعني كمان مش دم ملك!

يا فندم المعمل الجنائي أكدلنا انه قبل القتل كان في نوع من الشجار وانهم

وجدوا دم على الجثة ميخصش ملك وانه الدم ده غالبا دم القاتل وبما ان

الموجود على الشال مش دم ملك يبقى دم القاتل وكدة هنوصل لنهاية

الخييط

- خييط ايه؟ انا بنتي لازم تخرج دلوقتي

لما المحامي يوصل ويخلص الإجراءات هتخرج معاكوا

تنفّسنا الصعداء وتأكّدنا أن التهمة سقطت عن أختي لكن المحقق واصل

الحديث:

- الغريب جدا انه القاتل مخبطهاش بشكل متواصل يعني الواضح من التحقيق انه خبطها أول مرة وبعدين تراجع وكأنه عرف حاجة منعته يواصل الجريمة بس لما حاولت تشتبك معاه وطعنته بألة حادة في مكان ما من جسمه قتلها.

قاطعته بشكل مفاجئ:

- يمكن قائله انها حامل فصعبت عليه

حامل؟ وانتي عرفتي منين انها كانت حامل؟

نظر الجميع لي بتعجب حتى أختي الجالسة خلف القضبان وقفت ونظرت لي بقوة

وكأنها تمنعني من مواصلة الحديث ثم أكمل المحقق:

- اللي أعرفه يا أنسة انه محدش يعرف موضوع الحمل ده غير أهلها وانا

طبعا.

ملك كانت صحبتي المقربة وقالتلي

- وهي صحبتك المقربة قالتك ده امتى وانتوا كان بقالكوا فترة طويلة

متكلمتوش؟

لم أستطع أن أجيب المحقق فهو بالطبع لن يصدق أنها أخبرتني ذلك في حلم ما

بعد وفاتها.

دخل المحامي وكان ينظر لأبي بعبوس شديد جدا وكأنه أتى ليبلغه خبر إعدام

أختي وليس إخلاء سبيلها.

- خير يا متر!

لم يرد على أبي فاقترب طارق ونزع ورقة من يده وقرأ ما فيها:

- اتضح من التحقيقات المتواصلة ومن مطابقة الدم الموجود على الوشاح

الذي عُثِر عليه في مسرح الجريمة مع دم المشتبه بهم أن ذلك الدم يعود

للمدعوة "حبيبة مصطفى السيد"

لم يكن يجب أبداً أثناء فترة العلاج أن تعاود الشرب من نفس الكأس الذي سبب لك المرض حتى وإن اختلف محتوى الكأس فالمرض واحد.

"فَأَسْرَهَا يُوسُفُ فِي نَفْسِهِ وَلَمْ يُبْدِهَا لَهُمْ"

سألني أختي بحُزن:

- بتعيطي ليه يا حبيبة؟

مفيش يا هدى

- مفيش ازاي يعني؟ انتي هتخبي عليا!

حبيته يا هدى وفضلت ادعي ربنا يرزقني بيه وكان جزائي انه اتهمني بالكذب

- علشان هو كذاب جدا

لأ يا هدى هو صادق وانا اللي تعبته وفكرته باللي حصله قبل كدة

- هو مكانش نسي أصلا عشان تفكره، هو كان بيحاول ينسى بيكي وانتي

فشلتي عشان بريئة وبتدوري على الحب وبس انما هو كان عاوز يملأ الفراغ

مش أكثر

أجبتها والدموع تنسكب كالأنهار من عيني:

بس أنا مش قادرة استوعب أي حاجة يا هدى

- هتستوعي يا حبيبة بمرور الوقت متقلقيش وهيحصل حاجات عمرك ما

توقعتها

اخترق صوت الظابط شرودي ليخبر أبي أنني سأتبادل المكان مع أختي

- بنت حضرتك هتشرفنا أربع أيام على ذمة التحقيق

طيب مينفعش تيجي معانا البيت وتبعثوا مخبرين مثلاً؟

ردّ الظابط بسخرية:

- إن شاء الله المرة الجاية

بدا اليأس الشديد على وجه أبي فأثناء المحاولة لإنقاذ إحدى بناته غرقت الأخرى.

أراد طارق أن يمد يد العون فاقترح على أبي البقاء معي

أنا هفضل مع حبيبة يا عمي وحضرتك خليك مع ولادك

لأ يا طارق مفيش داعي

- متقلقش يا عمي هيفصل بينا حديد

مش عاوزين نتعبك معانا كتر خيرك لحد كدة

- مفيش تعب ولا حاجة يا عمي دي حبيبة

إني أقف في الحب

لا واقعہ فيه

فالحبُّ يا سيّدي

مُحرّمٌ في بلادي

والعشقُ شيءٌ سيء

والشرعُ ينفيه

رحل أبي مع إخوتي وظل طارق معي وكأنه كان يلزمني شيء آخر ليجعل حياتي

أسوأ.

جلس طارق على الأرض بجوار القضبان التي كنت أتجول خلفها فأردته أن يرحل

بشدة.

- خلاص يا طارق تقدر تمشي الجو هنا حلو زي مانت شايف

متشكر

- على فكرة انت مش مجبر

عارف

- هتفضل نايم هنا لحد امتي؟!

لحد ما اخذك وامشي

- تاخدني وتمشي! ده أنا اعترف على نفسي أحسن

أنا بقول كدة بردو

- انت عاوز ايه يا طارق؟

عاوزك تنامي يا حبيبي

- متقولش حبيبي

عارفة يا حبيبة

- مش عاوزة أعرف

مشكلتك انك عاوزة كل حاجة تمشي زي ماني عاوزة وده مش هيحصل

- أنا مشكلتي الوحيدة هي انت بأمانة

مش همشي يا حبيبة حتى لو ده اضطرني افضل هنا واسيب حياتي كلها في

مقابل اني ابقى جمبك حتى لو في السجن

- سجن عن سجن مش هيفرق

تصبحي على خير

محاولة النوم خلف القبضان ومع طارق في نفس المكان أصعب من سيرى على

قبضان حديدية يُعتقد مرور قطار عليها بعد دقيقة.

تغلب النوم على طارق الذي اعتاد النوم مبكرا وحاولت النوم أيضا لكن محاولاتي

باءت بالفشل وشعرت بخوف شديد حين رأيت خيال امرأة يمر أمامي ورياح تعبث

بالباب.

هنا أدركت أن وجود طارق معي كان ضروريا وحاولت إيقاظه.

- طارق .. اصحى يا طارق انا خائفة

في ايه يا حبيبة؟

- انا حاسة اني شوفت خيال بنت او واحدة كبيرة مش عارفة وكمان صوت

الهوا

ده صوت ضميرك

- ايه؟

قتلتها ليه يا حبيبة؟

- انت بتقول ايه؟

تكرر السؤال مرة أخرى ولكن تلك المرة لم تكن من طارق، كان من أمي التي رحلت

منذ زمن بعيد وافتقد دئ وجودها حقاً.

- قتلتها ليه يا حبيبة؟

مقتلتهاش يا ماما حتى انتي مش مصدقاني؟

- مقدرتيش تحافظي على الأمانة

غصب عني يا ماما صدقيني

- قولتلك من زمان اتكلمي متكتميش حاجة جواكي عشان متوصليش لكدة

لأ أنا بحلم .. انا مش شايفكي

- انتي بتحاولي تهربي

لأ مش بهرب انتي على طول بتجيلي في الحلم ولا بسة نفس الشال الأبيض

ودلوقتي انتي مش لابساه

سمعت صوت سقوط زجاج على الأرض وتحطّمه بشدة

- فاكرة الصوت ده؟

صوت ايه يا ملك؟ انا مش فاهمة حاجة .. انا مقتلتكيش

- صوت الفازة اللي خبطتيني بيها ولما حاولتي تلمي اللي انكسر جرحتي نفسك

يعني حتى مش انا اللي عملت فيكي كدة رغم انك كنتي بتقتليني

- محصلش انتي بتخدعيني انا معملتش كدة

كان كل شيء معتما ورؤيتي غير واضحة لكن حين استعدت القدرة على الرؤية

كنت على سرير في مشفى مُحاطة بأبي وطارق وطبيب وظابط شرطة.

اليأس الذي كان يعلو وجههم كنت أعلم أني خلفه وحاولت معرفة ما حدث رغم

أنى كنت أعلمه جيداً

- ايه اللي حصل؟

أجاب طارق مسرعاً:

انتي كنتي بتصرخي يا حبيبة وحاولت اهدّكي معرفتش لحد ما اغمى عليكي

وجبنكي هنا

- مفيش جديد يا بابا؟

أهل ملك قالوا للنيابة انك مستحيل تعملي كدة وانهم عارفينك كويس بس

طبعا النيابة بتتعامل مع الأدلة

- يعني أهل ملك مش مصدقين اني اعمل كدة وماما مصدقة

مش فاهم يا حبيبة تقصدي ايه وعلاقته ايه بماما

- تأثير الصدمة يا بابا مفيش حاجة

خرج أبي ليناقش إجراءات مكوثي في المشفى لحين شفائي من الصدمة.

سألني طارق السؤال المعتاد من أختي:

- شوفتي ايه يا حبيبة؟

كانت حامل منك يا طارق وانت قتلتها

- انا معرفهاش اصلا انتي فيكي ايه يا بنتي!

انا مش بنتك .. انا بابا واقف برا اهو قدامك

- بطلي عصبية وقولي لي شوفتي ايه؟

مش هتصدقني

- هصدقك أوعدك بكدة

شوفتك انت وماما وملك بتتهموني بقتلها بس ماما مكانتش لابسة الشال

زي كل مرة فانا شكيت انه حلم طبيعي وعرفت انه كابوس كالعادة بس

مكنتش عارفة اصحى

- طيب مامتك وملك اتوفوا لكن انا تحلمي بيا ليه؟

دخل أبي ونظر في وجهي مباشرة بخوف شديد ثم اقترب وسألني:

- بتكلمي مين يا حبيبة؟

طارق يا بابا

- طارق مين يا حبيبتي؟

لأ يا بابا أرجوك ده قاعد قدامك .. اتكلم يا طارق حرام عليك

- طارق الطيارة انفجرت بيه وهو راجع من اليابان يا حبيبة .. طارق مرجعش

أصلا!!

يتعلق الأمر بالقدر ، وبأشياء لا تُغتفر.

سأصيف رحيلك

في بضعة سطور

وأشكو إليك

انكسار الشعور

وأرفع أنيني

لحد السماء

فلا تكفيك

قصيدة رثاء

كنت تبدو يا صديقي كالدواء الذي أدمنه مريض ما واكتشف فجأة أنه لم يعد

موجود وتوقف انتاجه لخطورة أعراضه الجانبية.

دخلت أختي وهي ترتدي وشاح أسود مختلف تماما عن وشاح أمي وكانت شاحبة

للغاية.

- مالك يا هدى؟

اسفة يا حبيبة

- على إيه!

إني خبيت عنك حاجات كثير

- مش هتفرق صدقيني

لأ كانت هتفرق لو عرفتيا وقتها

- بصي يا هدى كان المفروض سمعت كلامك من الأول وجربت العلاج النفسي

لكن انا رفضت

وانا كان المفروض اساعدك وأقف جمبك

- خلاص متندميش على حاجة وانا هجرب الدكتوراة اللي بابا قال عليها

لو الدكتوراة قدرت تثبت اللي عندك هتاخدي براءة

- هاخذ براءة بحكم اني قتلت بدون وعي صح!

انا مقصدش كدة بس ده هيساعدك انك تخرجي من دايرة الاتهام

- صدقيني يا هدى انا مبقاش عندي حاجة اخسرها

بس احنا عندنا انتي يا حبيبة ومعندناش استعداد نخسرك

- الدكتوراة دي هتيجي امتي؟

كمان ساعة كدة

كنت أتناول الغداء مع أختي وأثناء انشغالنا بالحديث عن الماضي دخلت امرأة

تبدو في الخمسين من عمرها وكانت ترتدي وشاح أبيض لسبب ما لا أعرفه وقد

غطى الشيب شعرها وبداء لي أنها تشبه المحقق بشدة وكأنها من العائلة.

اقتربت ثم نظرت إلى أختي وسألتها:

- آنسة حبيبة!

لأ أنا هدى .. دي أختي حبيبة

- غريبة جدا انتي باين عليكي التعب والإرهاق أكثر من حبيبة

معلش الفترة الأخيرة كانت صعبة شوية

- طيب مش هتكون صعبة عليكي أكثر من حبيبة نفسها ولا إيه؟

لم ترد أختي وكنت أجلس في صمت لكن السؤال الأخير جعلني انفعل بشدة.

- أعتقد يا آنسة هدى انك كنتي مشتبهه بيها في القضية يعني ممكن في اي

وقت ترجعي لدايرة الاتهام ولا ايه رأيك؟

وانتي مالك!

- بتقولي ايه يا آنسة حبيبة!؟

وانتي مالك .. انتي جاية تشوفي شغلك وبس .. كلامك معايا أنا مش مع أختي

وأي محاولة منك انك تستفزها تقولك حاجة مش هتفيدك

- واضح انك عصبية جدا يا انسة حبيبة

هو انتي وكيلة نيابة ولا دكتورة!؟

- دكتورة وواضح من المناقشة الحالية انك عصبية ومن السهل استفزازك

بدليل اني نجحت في ده بكل سهولة وأول حاجة لازم نعالجها هي العصبية

إذن لقد وقعت في الفخ

نظرت إلى أختي مرة أخرى وقالت:

- هستأذنك يا أنسة هدى تسيبيني أقعد مع حبيبة شوية لوحدنا

حاضر يا دكتورة

خرجت أختي وقبل أن تترك باب الغرفة نظرت إليّ نظرة أم تشفق على طفلها الذي

أصابه مرض مُعدي يمنع تواجد أي أحد معه في الغرفة سوى المرض فقط.

بدأت الطيبة في الحديث:

- ازيك يا حبيبة

تمام الحمد لله رايحة بكرة المالديف تحبي تيجي معايا

- ايه اللي ضايقك في السؤال ده دلوقتي؟

انك بتسأليني عن حالي في مستشفى السجن مثلا!!

- من امتي وانتي عصبية؟

من يوم ما بدأت اقابل ناس تعصبي

- محتاجة منك تجاوبيني بطريقة كويسة لمصلحتك ومصلحة أختك

من بداية الثانوية تقريبا

- في سبب معين للعصبية دي؟

وفاة ماما

- مامتك اتوفت ازاى؟

مش حابة اتكلم في الموضوع

- معلىش انتي مضطرة تجاوبيني عشان اقدر اساعدك

في حادثة .. السواق كان مستعجل عشان عنده مشوار والعربية اتقلبت

بيهم

- مامتك كان عندها مشوار بردو؟

ايه علاقة ده بالموضوع!

- مامتك كانت مستعجلة هي كمان؟ كانت موافقة على زيادة السرعة؟

معرفةش بس ده مش مبرر للسواق

- ولا مبرر ليكي انك تشوفي واحد كان بيأدي مهنته ويعمل المطلوب منه انه

السبب في وفاة والدتك بمعنى انه ده معاد وفاتها

هو حضرتك تبقي بنت خالته ولا حاجة! عشان ابقى فاهمة بس

- ليه بتتكلمي بالأسلوب ده وهل بتتكلمي كدة مع كل الناس؟

لأ الناس اللي بيضايقوني

- زي كدة؟ وزى طارق؟

طارق ملوش علاقة بالحوار

- لأ ليه طبعا ده هو أهم شخص في الحوار .. بصي يا حبيبة أنا هعملك نوع

من التنويم المغناطيسي دلوقتي وتأكدي انه محدش هيدخل الاوضة دي

نهائي لأنني محتاجة اتكلم مع حبيبة اللي جواكي مش مع حبيبة اللي قاعدة

معايا دلوقتي.

ولو انا مش موافقة!

- عادي همشي وهيبتولك دكتورة أكبر مني في السن وشغلها كله مع

المجرمين

شوفي هتعملي ايه ايا كان

كنت اقرأ عن العلاجات النفسية وعن التنويم والدائرة التي تحتوي على دوائر

بيضاء وسوداء تدور بالقرب من أعين المريض حتى يفقد الوعي بطريقة ما لكن

تلك الساحرة أحضرت لي كوب ماء وفتحت شاشة هاتفها لتريني بعض الصور عن

طفولتها وأخذت تتحدث حتى غبت عن الوعي.

حاولت أختي إفاقتي.

- حبيبة .. يا حبيبة فوقي

ايه يا هدى اللي حصل؟

- الدكتوراة استدعتني وطلبت استراحة وقالتلي افضل معاك لحد ما تفوقي.

متعرفيش قولتلها ايه يا هدى؟ مقالتش اني قولت اي حاجة غريبة وانا مش

في وعبي مثلاً؟

- لأ مقالتش حاجة بس خرجت من الاوضة قلقانة ووشها كله عرق وقالت

هترجع تتكلم معنا وبابا برا بيحبك أكل.

أكل ايه يا بنتي احنا لسة متغديين

- الساعة 10 بالليل يا حبيبة!

ايه؟ هي معايا من العصر لحد دلوقتي!

- عصر ايه يا حبيبة لا إله إلا الله .. دي جاية الساعة 7 مش العصر ولا

حاجة

معلش يا هدى أختك لسة قايمة من تنويم يا بنتي اعذريني

- عذراكي ياختي

عادت الطيبة وتبعها أبي فنظرت إلى أختي ثم إليه وقالت في غضب:

- كان المفروض يا أستاذ مصطفى تعرفني إن حبيبة حامل

فسألتمها أختي في تعجب:

إيه!

- زي ما سمعتي يا انسة هدى .. الدوا اللي أختك أخذته فيه خطر على الجنين

وأكيد لو عندي علم مكنتش هستخدمه

نظر أبي إليها بغضب وقال:

- بس احنا أصلا منعرفش بتتكلمي عن إيه؟

ازاي يعني يا أستاذ مصطفى حضرتك متعرفش انه بنتك حامل

نظر لي أبي بخيبة أمل شديدة وسألني:

- الكلام ده بجد يا حبيبة؟!!

معرفش يا بابا والله وأكيد كنت هعرفكوا وبعدين هبقى حامل من مين

طيب وانا جوزي ميت!!

فزعت الطبيبة بشدة وكأنها رأت شبح

- انتي كمان كنتي متجوزة؟

أجابها أبي في حزن:

أيوة بنتي كانت متجوزة بس ده لمدة سنة وبعدين حصل مشاكل واختلفوا

فهو سافر وسابها لحد ما تهدي وانا أكيد كنت هقول لحضرتك لو اعرف

انه ده هيفيدك

ردت الطيبية في انفعال:

- هيفيدني؟ .. بنتك حامل في الشهر الثاني من جوزها الميت يا فندم!

لحظة بس!! انتي بتتكلمي كدة بناء على ايه؟

- بناء على كلامها وهي مش في وعيها يا أستاذ مصطفى

وقالت ايه بقى عشان افهم!

- قالت انها ملحقتش تقول لطارق الخبر السعيد ده قبل ما يموت

ما يمكن هلوسة

- محدش بيتخيل حاجات أثناء التنويم ، انا بكلم عقلها الباطن يعني مخزن

أسرارها كله

طيب هنفترض انها قالت كدة واننا هنجيب دكتور عشان نتأكد .. السؤال

المهم بقى .. دي الحاجة الوحيدة اللي حضرتك طلعتي بيها في ال 3 ساعات

دول!

كانت الطيبية تنظر لأبي وكأنها تحاول تذكر شيء ما حتى دخل ظابط شرطة بشكل

مفاجئ للتنبيه بأن الزيارة انتهت وأنه على الطيبية أن تعود اليوم التالي فنظرت لي

للمرة الأخيرة وقالت:

- قتلتيه ليه يا حبيبة؟

هو مين!

- مش عارفة

رحلت الطيبية النفسية وكان يبدو عليها الإرهاق الشديد حتى أنها لم تعد تعي ما

تقول.

في صباح اليوم التالي أتت الممرضة الخاصة بي وقد كانت سيدة جميلة جدا وطيبة

كأمي لكن الحزن الشديد كان يعلو وجهها هذه المرة.

بادرت بالحديث لأحاول معرفة سبب حزنها فقد كانت دائما تشكو لي قسوة زوجها.

- مالك يا خالتي في حاجة حصلت؟

مش عارفة اقولك ايه والله يا حبيبة

- لأقولي خير مش هيبقى أسوأ من وضعي

بصراحة الدكتورة امبارح وهي راجعة البيت عملت حادثة وفي العناية

وقالوا ان ده كانت نتيجة زيادة السرعة وان السواق فقد السيطرة على

التاكسي .. معرفش كان مستعجل على ايه!

- عادي يا خالتي مش يمكن هي اللي كانت مستعجلة وموافقة على زيادة

السرعة!؟

أنا لم أكن لأضيع من عمري في انتظارك دهرًا

فانتظارك يحتاج فوق العُمر عُمراً

أشعر وكأن قلبي ينظر لي بشفقة شديدة جدا.

مالت أختي باتجاهي وكأنها تحاول أن تواسيني ووضعت يدها على كتفي ثم بدأت

بالحديث.

- مش غريبة يا بيبة إن الدكتوراة أول ما خرجت من هنا عملت حادثة؟!!

حظي يا هدى شكلي مطولة هنا

- هو انتي مش فاكراة قولتلها ايه بالضبط او هي قالتلك ايه؟

لأ بصراحة مش فاكراة ومش عاوزة افكر

نظرت لي هدى بياس وذهبت لتحضر الطعام وغلبنى النوم بسبب العقاقير التي

أعطوها لي.

- حبيبة

نعم يا هدى

- هتخرجي انهاردة من المستشفى

بجد! ازاي؟

- قررروا انك مش مريضة مرض نفسي ومش هتروحي السجن بردو

اومال هروح فين؟

- هتيجي معانا البيت بس

بس ايه يا هدى؟

- هيبقى معاكي أمين شرطة وهتبقى مقيدة

طيب وعلى ايه خلوني هنا أفضل

رد أبي بيأس:

- مش هينفع يا حبيبة

ليه يا بابا؟

- هم شايفين انه في خطر على المساجين من وجودك هنا

يااااااه!! للدرجادي!

- وهنجبلك شيخ ..

أكيد بتهزروا!!

لم يكن أبي يمزح فبالفعل عدت للمنزل بعد وقت طويل لكن بصحبتى أمين شرطة
وقيود وُضعت في يدي لكنها في الحقيقة كانت تبدو كأنها قيودًا لروحي.

جاء أبي لغرفتي ليدكرني بمجئ أحد المشايخ لأن الجميع كان يظن أنه أصابني مس
وأنّ هذا يمكن أن يسبب الأذى لي ولن حولي.

- الشيخ جاي انهاردة يا حبيبة ، جارتنا قالت راجل عنده خبرة وبيفهم وان

شاء الله يقدر يساعدك

طيب استنوا لبكرة يا بابا

- معلش يا حبيبتى لمصلحتك ان كل حاجة تتم بسرعة

في المساء حضر شخص ذو لحية طويلة وفي يده سبحة ومعه طفل صغير يحمل

زجاجة مياه وأحضرني وجلست أمامه وأخذ ينظر لي بدقة في عيني مباشرة وشرع

بالحديث .

- كيف الحال يا أنستي الصغيرة؟

الحمد لله

- انتي خايفة ليه؟

مش خايفة عادي

- عاوزك تبصي حواليك وتعرفيني بالناس اللي واقفين

ده بابا ودي أختي هدى ودي ملك صحبتي وده محمد أخويا

- فين ملك؟

واقفة جنب هدى

- ملك لابسة ايه؟

شال أبيض أخذته هدية من هدى أختي هو بتاع ماما أصلا

- طيب وماما مش واقفة معاهم؟

لأ ماما دخلت تعمل الغدا

- متأكدة؟

ايوة طبعا مش سامع صوت الحلل .. مش شامم ريحة الأكل

- طيب في مين تاني كان نفسك يكون موجود؟

طارق

- مين طارق؟

طلبي بس كان نفسي يكون موجود

- او مال هو فين!

مسافر عشان الشغل بس هيجي قريب

- آخر مرة قرأت قرآن امتي يا حبيبة؟

من حوالي أسبوع

- قرأت ايه؟

قرأت يس ويوسف

- طيب ممكن تطلبي من والدتك تجبلي كباية مائة

روحي يا هدى هاتي مائة لعمو

- لأ انا عاوز والدتك اللي تجهم

هو من امتي الأموات بيحبوا مائة يا شيخنا .. صحصح معايا كدة انت

تعبان ولا ايه؟

- يا بنتي مش انتي قولتي انها بتعمل أكل في المطبخ! انا عاوزها تجبلي ماية وهي

جاية

هي مين؟

- والدتك يا حبيبة

انت من الصبح عمال تقولي يا حبيبة وانا سكتالك .. حبيبة مين؟ وانت

بتعمل ايه هنا أصلا وعاوز ماما ف ايه؟

- طيب انتي مين؟

وانت مالك طيب

- قولي عشان اقدر اساعدك

بص انت من ساعة ما جيت وانا مش مرتاحة وحبيبة كمان اتضايقت منك

- طيب ممكن اكلم حبيبة؟

نعم يا عمو

- آخر حاجة سألتها لك ايه يا حبيبة

اعرفك بالناس اللي واقفين

- طيب ممكن تعرفيني بهم تاني عشان توهت شوية؟

بابا وأختي واخويا

- في حد تاني؟

لأ هم دول بس

- ملك صحبتك فكراها؟

ايوة طبعا عمري ما انساها

- ضايقتك ازاي قبل كدة؟

عمرها ما ضايقتني وكنت بحبها اوي

- وكنتي بتحي طارق بردو بس الأعمار بيد الله ولازم تتقبلي قضاء ربنا

هو طارق مات؟

- ايوة يا حبيبة وباباكي قالك كدة

بس بابا مات

- لأ يا حبيبتي انتي لسة قيلولاني انه واقف

أكيد كان بيتهيا لك

- ممكن تقولي لي اسمك

اسمي ملك

- طيب يا ملك باباكي ومامتك عايشين صح؟

ايوة وانا مت

- ازاي؟

حد خبطني بحاجة على راسي وحاولت ابعده عني بس معرفتش

- كنتي لابسة ايه؟

شال ابيض

- تفتكري حبيبة اللي عملت كدة؟

لا

- طيب ليه طول الوقت كنت بتتهمها بكدة؟

هي كانت بتتهم نفسها وبتحلم بيا لكن انا عارفة انها متعملش كدة

- او مال مين اللي عمل كدة؟

ده

- ده مين

عمو مصطفى

- طيب وعمو مصطفى هيقتلك ليه؟

عمو مصطفى مين؟

- عاملة ايه يا حبيبة؟

حبيبة مين انت نستني مش قولتلك مسميش حبيبة

- طيب انتي بتعملي ايه هنا؟

ده بيتي قول لنفسك

- ممكن تكلميني عن نفسك

حبيبة بس اللي تعرفني وقالتي افضل هنا

- لوحدك ولا معاكي حد؟

معايا بابا وماما واخواتي

- طيب مش شايفة انه المفروض تسيبي حبيبة شوية تعيش كرد للمعروف

اللي عملتهولك

بس هي موافقة اعيش معاها

- تعيشي معاها لكن مش جواها

والله مش هنختلف

- طيب ممكن أكلم ملك؟

ملك بتعيط

- ليه؟

عشان انت قولتليها انه طارق مات .. معرفش بيحبوه على ايه؟

- ما هي كانت فاكرة انه باباها اللي مات

لأ باباها عادي هي عاوزة تقتله أصلا عشان بعدها عن طارق

- طيب ممكن تسألها ليه قالت ان أبو حبيبة اللي قتلها؟

ما تسأله انت قتلها ليه؟! ده انت غريب اوي

- ممكن طلب

نعم

- أكلم حبيبة ومش تتدخلي

نعم يا عمو الشيخ

- انتي قولتي للدكتورة ايه يا بنتي؟

قولتلها تلحق تسافر عشان ابنها عمل حادثة

- ابنها مين؟

طارق .. دي مامة طارق وحت تشوفني لأنها دكتورة

- وعرفت منين انك حامل؟

لأ دي بسمة اللي حامل وهي اللي اتكلمت مش انا

- يعني البننت دي اسمها بسمة؟

ايوة

- طيب ملك بتقول انه باباكي اللي قتلها .. ايه رأيك في الكلام ده؟

مش حقيقي هي كانت بتتهمني بردو

- لأ هي قالت انه انتي اللي كنتي بتتهمي نفسك

هيقتلها ليه طيب هي عملته حاجة؟

- طيب تفكري مين اللي قتلها؟

معرفش .. لو اعرف مكانش زمني قاعدة بالكلبشات في ايدي وأمين شرطة

واقف برا

- من امتي وبسمة معاكي

من أسبوع؟

- من ساعة ما بطلتي تقرئي قرآن؟

لأ انا مش بقراً قرآن بقالي شهر دي بسمة اللي بتقرأ على طول نفسي ابقى

زيها

- طيب هتاخدي حاجات تعملها باستمرار يا حبيبة

حاجات ايه؟ انا بزهد بسرعة هبقى اعرف بسمة

- طيب وملك بتعمل ايه عندك؟

لأ هي مش عندي.. حضرتك اللي قولت انها كلمتك شكلك تعبان ياريت تبقى

تكشف هقولك اسم دكتور حلو اوي

- ماشي يا حبيبة هبقى اجي تاني

ان شاء الله

كانت أختي ملقاه على الأرض فاقدة الوعي وأخي يحاول افاقتها وخرج أبي مع الشيخ

وعاد مسرعًا ومعه أمين الشرطة.

اقترب أبي وسألني في خوف:

- مالك يا حبيبة؟ ايه اللي حصلك؟

انا كويسة يا بابا متقلقش ومفيش ملك ولا بسمة

- اومال ليه عملي كدة؟

ده مش شيخ يا بابا ده طارق وجاي يتأكد اني عرفت خبر وفاته واني مجنونة

ومحدثش هيصدقني

- طيب ليه هيعمل كدة وانتي عرفتني ازاي؟

من مامته هي اللي قالتلي انه طارق قتل ملك عشان كانت حامل منه ولما

عرف موضوع الأحلام بدأ يظهرلي على انه حلم ولما شك اني بدأت أصدق

انه موجود فبرك موضوع الطيارة وهو أصلا مطلعش على الطيارة دي .. هو

أصلا هنا مسافرش

- وفي أم هتتعترف على ابنها؟

ايوة يا بابا زي ما في بنت هتتعترف على باباها

- مش فاهم

هو ده اللي قتل ماما يا سيادة الأمين

- انتي بتقولي ايه يا حبيبة؟

اسفة يا أستاذ مصطفى

لم يكن يجب أن تصدق كل ما يُقال لك .. انهم يظنون أنك جاهلاً لكنك فقط

تتجاهل الحقائق.

سمعت أصوات في غرفة أختي فاقتربت وحاولت معرفة مع من كانت تتحدث

فوجدت طارق يقف أمامها.

- آسف يا هدى لازم امشي

مش هينفع يا طارق ، انت عارف إن الوضع ميسمحش أبداً إنك تمشي

الفترة دي بالذات

- بصي يا هدى وجودي هنا هيسببلي مشاكل كتير جدا وانتي عارفة ده كويس

بس حبيبة هتبقى لوحدها وكمان بابا مبقاش موجود

- مبقاش موجود بسببها وبعدين انتي مش عاوزاني افضل عشانها ، انتي

عاوزاني افضل عشانك انتي

يا طارق انت

- متكمليش يا هدى .. انا مش هستنى لحد ما حالي يبقى زي حال عمي

مصطفى ، انتي عارفة إن أختك مش مدركة تصرفاتها وممكن تصحى الصبح

تتهمني بأي حاجة ومش بعيد تهتمك معايا لو حسست إن بيئنا حاجة

ماشي يا طارق اللي تشوفه

- خلي بالك من نفسك

ماشي .. وانت كمان

هترممي روحك بسجود

ده الراحل يرحمه الله

عمره ما هيعود

هيجيلك الأحسن وانا عارفة

حيلك مهودود

لكن لوكل الناس غابوا

ربنا موجود

ذهبت إلى غرفة أختي دون أن أطرق الباب.

- هدى!

نعم يا حبيبة خضتيني .. ابقى قولي أي حاجة قبل ما تدخل عليا فجأة كدة

- اسفة .. كنت عاوزة اقولك مفيش داعي تقفلي باب الاوضة بالمفتاح بالليل

انتي عرفتي ازاي؟

- كنت عاوزة حاجة من الاوضة وللأسف لاقيتك قافلة

كنتي عاوزة ايه وانا اجهولك طيب؟

- لأ خلاص مش لازم وياريت متخافيش

بصي يا حبيبة انا خوفا مبرر وانتي عارفة احنا بقينا من غير راجل

والأحداث الأخيرة تخوّف أي حد

- بس انتي كدة خايفة منّي أنا يا هدى!

مهو بصراحة يا حبيبة انتي لازم تراجعى نفسك وتصرفاتك وتشوفى لو ده

سببه حاجة معينة وتعالجها

- خلاص يا هدى رسالتك وصلت وعمامة عمري ما كنت هفكر اسببلك أذى في

يوم، لأن انتي بالذات الوحيدة اللي عمرها ما أذتني.

إن الأشياء تبدو عرجاء حين يكون الحديث عن الحب.

لم أكن أود أبداً التصنّت على أختي لكني اضطررت لذلك حين شككت بعلاقتها

بطارق وسمعتها تتحدث على الهاتف وبدأ لي أنها كانت تحادثه فذهبت إلى غرفتي

ورفعت سماعة الهاتف لأن ملك لم تستخدم هاتفها خشية أن يكتشف أحدهم

مع من كانت تتحدث مما زاد الريبة بداخلي.

- ألو، أيوة يا طارق

خير يا هدى في حاجة؟

- هو انا لازم اما اتصل يكون في حاجة؟

الصراحة ايوة .. ايه اللي حصل؟

- حبيبة امبارح قالتلي إن عمرها ما تفكر تاذيني لأنني عمري ما أذيتها

ايوة وفين المشكلة؟

- المشكلة اني مختلفتش عن اي حد من اللي حوالها بالعكس أنا أكثر واحدة

سببتلها الأذى

بصي يا هدى، محدش يقدر يتحكم في مشاعره وانا وانتي لما حبيننا بعض

كان بدون قصد وفي فترة كانت حبيبة مش موجودة في حياتي وبالتالي انتي

مظلمتهاش ولا حاجة

- بس كان المفروض

ألو .. ايوة يا هدى رحتي فين مش سامعك كويس!

اقتربت هدى ووضعت يدها على كتفي:

- حبيبة! فوقتي يا حبيبة انتي بتحليني ..

بس انا منتمش أصلا انا صاحبة

- يا حبيبتي انا سمعتك بتصرخي وجريت عليكي اشوف مالك لاقيتك بتحلمي

وهو لو انا بحلم كنت هعرف مين انك بتكلمي طارق!

- طارق مين وهكلمه ليه أصلا؟

اسألي نفسك!

هنا دخل أخي وهو يرتجف فضممناه سويا وحاولنا تهدئته ولكنه التفت لي ونظر لي

مباشرة في محاولة قول شيء ما ثم تمالك نفسه وقال:

- ليه قولتي إن بابا اللي قتل ماما يا حبيبة وانتي عارفة إن ده محصلش؟

عشان حصل

- قتلها ازاي وهي موجودة!

هي مين دي اللي موجودة؟

- ماما يا حبيبة

وقفت أختي وقالت فجأة:

لأ مش معقول ، كدة بقى اخواتي الاتنين اتجننوا وهمشي من هنا

- استني يا هدى ، انت بتقول ايه يا محمود؟

أنا لسة شايفها حالا وسألتني عليكي

إن أمي مهما تقدّم بها العُمر مازالت تشبه أميرة جميلة في العشرينات من عمرها.

نظرت إليها في حب وقلت:

- وحشتيني يا ماما

أجابتني أمي في غضب:

وحشتك! ولما قررتي تبعدي كل الناس عنك مفكرتيش في حالتي؟

- انا مبعدتش حد عني .. هم اللي اختاروا يبعدوا

بصي انا مش هقولك انك قتلتني ملك ولا هسألك ليه كنتي سبب إن

مصطفى يروح السجن، بس اخواتك دول ذنهم في رقبتك انتي

- بس يا ماما انا مليش ذنب وانتي عارفة إن كل ده حصل غضب عني

متنكريش اني حذرتك متشاركيش اي حاجة تخصك مع أي حد لكن انتي

مسمعتيش كلامي.

- كنت فاكراهم هيفرحوا مش هيجاولوا ياخدوه مّي

يلا اهي واحدة ماتت وواحدة مكتئبة وهو مشي وساب كل ده

- ونسيتي واحدة ..

مين تاني! هو سندباد زمانه كان على علاقة بكام واحدة؟

- هدى .. هدى هي الثالثة

هدى مين يا حبيبة؟

- هتكون مين يا ماما؟ هدى اختي .. هو احنا نعرف هدى غيرها!

بس هدى ماتت وهي في الابتدائي يا حبيبة!

- هدى مين اللي ماتت يا ماما!! ما هي ورايا اهو

نظرت للخلف ولم أجد سوى أخي يضم ركبتيه إليه من الرعب وكأن أحدهم حاول

اقتلاع روحه من صدره للتو.

- أنا بحلم صح! قولولي إني بحلم .. نادي على هدى يا محمود تصحيني زي كل

مرة.

معلش يا بنتي .. الله يسامحك يا مصطفى، قولتله لازم ناخدها لدكتور وهو

مصدقنيش

- استني بس يا ماما

اخترق صوت أحدهم راسي قائلاً:

ماما مين يا حبيبة!

- يا جماعة حرااااام عليكموا .. طول الوقت تسألوني ملك مين؟ وطارق مين؟

وهدى مين؟ وماما مين؟ .. انتوا ليه عاوزين تجننوني!!

سقوطي على الأرض كان مبررا جدا، استيقظت ووجدت نفسي في مشفى وتغطيني

شراشف بيضاء ويوجد محلول مُعلق بجواري يتدلى منه سائلٍ ما وممرضة تقف

وتنظر في عيني مباشرة.

- انتي كويسة؟

انا بعمل ايه هنا؟

- مفيش يا قمر انتي تعبتي شوية وأهلك جابوكي هنا

أهلي مين؟ وبقالي أد ايه؟

- اخوكي ومعاه حد بيقول انه قريبكوا وانتي بقالك هنا يومين

طيب واختي مجتش معاهم؟

- بصراحة مشوفتش معاهم بنات خالص

طيب اقدر اخرج امتي؟

- الحقيقة صعب تخرجي دلوقتي لأن الدكتور قرر انك لازم تتعرضي على

دكتور مخ وأعصاب

بعد محاولات شتى من أخي والممرضة لإقناعي أنه يجب زيارة طبيب المخ والأعصاب

وافقت.

رافقتني أختي إلى الطبيب وجلست بالخارج.

- انا هسيبك دلوقتي يا حبيبة والدكتور هيدخل كمان شوية وياريت تلتزمي

باللي هيطلبه منك

ماشي

دخل رجل في الثلاثينات من عمره وأول ما جذبني كان لون عيناه اللتان تميلان

للخضرة كزرعٍ أصابته جرعة كافية من الندى للتو.

- ازيك يا أنسة حبيبة

الحمد لله

- بصي انا مش عاوزك تقلقي دي مجرد فحوصات مش أكثر

مش قلقانة

- تمام .. أنا هسألك كام سؤال وهكشف عليكى بسرعة كدة وهطلب منك

شوية حاجات

ماشي

- تفتكري ليه انتي هنا انهاردة؟

هو حضرتك دكتور نفسي؟

- لأيا ست البنات بس ده ضروري عشان الكشف

انا هنا انهارة عشان أهلي يطمنوا اني كويسة وعشان الدكتور في

المستشفى طلب اني اجي لحضرتك

- لأبلاش حضرتك دي خلي البساط أحمدي

تمام

- لما بتحصل حاجة تضايقتك بيكون ايه رد فعلك؟

عادي بنفعل زي أي إنسان طبيعي

- ماشي بس الانفعال بيكون حسب الموقف، يعني في حاجات تستدعي

الانفعال الشديد وحاجات لا تستدعي الانفعال أصلا

ممکن ..

- مخطوبة او متجوزة يا حبيبة؟

ايه علاقة ده بالكشف حضرتك!

- مجرد سؤال ربما يكون الطرف الثاني هو السبب في حالتك

حالتك اللي هي ايه بقى؟

- بصي يا حبيبة حسب وصف الدكتور انتي لما بتنفعلي او تحصل حاجة غريبة قدامك بتبدأ ضربات قلبك تزيد ويحصل عندك اندفاع في الإدرينالين وبتفقد الوعي وممكن تفضلي في الحالة دي فترة وطبعا دي حاجة ليها أسباب نفسية وجسدية ولذلك لازم تتابعي مع طبيب نفسي وده مش عيب على فكرة ده ضروري لأي حد بيمر بحالة حزن شديدة. يعني انا محتاجة المساعدة.

- جزء كبير من العلاج بيعتمد عليكي انتي

وايه الفحوصات المطلوبة؟

- هتعملي بس رسم قلب ورسم مخ عشان عاوز اتأكد من حاجة

خرجت من عند الطبيب وكنت أشعر باختناق شديد بينما الأحمق كان ينظر لي

بإعجاب وتعلو وجهه ابتسامة تشبه تلك التي تعلو وجه أبي حين يحرز الزمالك

هدفًا وهذا بالطبع لا يحدث إلا نادرًا.

وجدت إخوتي في انتظاري وسألتي هدى في لهفة:

- ها يا حبيبة الدكتور قالك ايه؟

والله يا هدى قال حاجات غريبة وعاوزني اعمل رسم قلب ورسم مخ واروح

لدكتور نفسي

- طيب يلا بينا

يلا بينا فين يا حجة مفيش الكلام ده انا هرّوح اعمل نسكافيه وانام

- متهزريش بقى يا حبيبة انتي لازم تنفذي المطلوب منك

بصي يا هدى المريض بس هو اللي بينفذ تعليمات الطبيب وانا مش مريضة

- يعني مصرّة على موقفك

ايوة مصرّة وكفاية اني وافقت احي هنا بس بصراحة دكتور زي القمر

- ده وقت هزار يا حبيبة!

مش بهزر والله ادخلي بس كدة شوفي وحتى مش لابس دبلة

- طيب ما تسمعي كلامه عشان تيجي تاني وتشوفيه يا ناصحة

لأ مهو انا عشان ناصحة مش هاجي تاني كفاية ابو عيون عسلي واللي عمله

عدنا إلى البيت وأنا بالطبع لا أتذكر ما حدث معي الليالي الماضية سوى أن أخي أخبرني أنه دخل غرفتي ووجدني أتحدث مع الحائط ثم فقدت الوعي.

إننا نبتلى بحب الأشياء التي تقتلنا .. الأمر يشبه مرورك بجوار منزل مهجور يبدو جميلاً جداً من الخارج وأثناء حملتك فيه، يمرّ أحدهم ليحذرك ألا تحاول الدخول لكن فضول التجربة يا صديقي لا يدعك وشأنك فتشعر أنه عليك أن تحاول وحين تفعل ذلك تعلق بالداخل وتخرج بعد مدة مُحمّلاً بالخسائر.

جاءت أختي وحاولت إيقاظي وبدا عليها الخوف وكأنها انتهت من مشاهدة فيلم رعب للتو.

- حبيبة اصحي

عاوزة ايه يا هدى ارحميني

- اصحي يا بنتي انا مش لاقية اخوكي خالص

شوفيه عند أي حد من اصحابه

- بقولك مش لاقياه وسألت كل اصحابه

طيب هقوم اهو

انقضى يومان ونحن نبحت في كل مكان عن أخي لكن دون جدوى ولم يتصل أحد

ليخبرنا عن اختطاف أو فدية أو كل تلك الأشياء وكأن أخي ذهب بكامل إرادته.

جاء أحد الجيران لزيارتنا والاطمئنان على أحوالنا وكان صديق لأبي أيضا.

- بصي يا بنتي انا شايف انكوا تبلغوا عن اختفاؤه لأن كدة يومين وانتوا بنات

ولوحدكوا ومش هتعرفوا تعملوا حاجة

والله يا عمي سيد احنا مش عاوزين نروح القسم عشان بابا ميعرفش

الموضوع ده

- ماشي بس انتوا مضطرين يا حبيبة

هنحاول تاني وربنا يسهل

رحل الرجل الذي أتى لزيارتنا وجلست أختي بجواري في حزن ثم قالت:

- حبيبة احنا هنعمل ايه؟

مش عارفة والله يا هدى

- احنا لازم نكلم حد يساعدنا أو نبغّ البوليس

بصي يا هدى لو ده خطف كان زمانهم اتصلوا يطلبوا فدية!

- ماشي يا حبيبة بس احنا لازم نلاقيه لأن احنا داخلين على أسبوع ومفيش

أي خبر عنه!!

محمود اخوكي ماشي بمزاجه يا بنتي، هو من حوالي أسبوعين فضل يتكلم

معايا ويتهمني بحاجات واني عندي أوهام وانه هيثبت براءة بابا وحاجات

كثير كدة

- مهو عنده حق

تقصدي ايه مش فاهمة؟

- بصي يا حبيبة انا نصحتك تروحي للدكتور عشان خوفت من يوم زي ده،

يوم مكونش عارفة فيه انتي بتحكي حاجة حصلت فعلا ولا من خيالك يعني

انا دلوقتي معرفش اذا كان محمود اتكلم معاكي فعلا من أسبوعين ولا انتي

اتخيلتي كدة وكمان معرفش فكرة انه مشي بمزاجه جتلك منين ولحد

دلوقتي معرفش اتمتي بابا بناء على ايه وفيين دليلك وبأي حق هو في

السجن دلوقتي ومفيش ولا محامي راضي يقبل القضية وكأن حد مخوفهم

أو عاملهم سحر!!

سألتها في دهشة مُحاطة بالحزن:

وتفتكري الحد ده انا؟!

- لأ أنا مقولتتش كدة

بس كلامك ملوش معنى غير ده

- أرجوكي متضغطيش عليا أكثر من كدة وتعالى ندور على محمود وبعدين

نقعد ونتكلم وانا اوعدك اني هفهمك قصدي واعذريني لو انفعلت دلوقتي.

صدقيني يا هدى انتي مش محتاجة تقولي حاجة تاني وانا فهمت قصدك

واوعدك هروح للدكتور أول ما نلاقي محمود.

مرّت ثلاث أيام دون جدوى وقررنا الاستسلام والذهاب إلى مركز الشرطة وأثناء

التواجد في غرفتي لارتداء ملابسني لمحتُ خيالاً في حديقة بيتنا ثم طرقت أحدهم

الباب فناديتُ أختي لتجيب.

- هدى لو سمحتي افتحي الباب

باب ايه يا حبيبة؟

- باب البيت يا هدى .. هيكون باب ايه!

بس انا مسمعتش جرس ولا حد خبّط

- افتحي بس انا سمعت خبطة على الباب

كنت على وشك الانتهاء من ارتداء أضع حجابي حين سمعت أختي تصرخ وشعرت

بوخزة الدبوس في رأسي وذهبت مسرعة لأجدها مستلقية على الأرض وأخي يقف

أمامها والدهشة تعلو وجهه من رد فعل أختي.

سألته في دهشة سؤال غريب جدا وكأني ظننت أنني أتخيل:

- محمود!

مالكوا يا حبيبة زي ما تكونوا شوفتوا عفريت

- تعالى نفوق هدى وهنشوف موضوع العفريت ده بعدين

أفاقت أختي ونظرت حولها ثم قالت لي:

- انا شوفت محمود يا حبيبة

أيوة هو رجع فعلا يا هدى

- طيب ازاي وكان فين؟ ده احنا خلاص كنا هنبلغ

كان عند خالتي في بورسعيد

- ومفكرش حتى يكلمنا عشان نطمئن عليه؟ هيجرالي حاجة بسببكوا

بقولك ايه يا هدى .. انا قولتلك أخوكي بيمشي بمزاجه ومصدقتيش ..

فياريت يعني مبقاش طرف في الحوار

- طيب والبيه فين دلوقتي

راح يزور الأستاذ مصطفى

- اسمه بابا مش الأستاذ مصطفى

واريفر

- ماشي يا ستي

إن قواعد اللغة العربية تمنع التقاء ساكنين .. لكنني بطريقةٍ ما .. التقيتُ بك.

ذهبت إلى عيادة طبيب المخ والأعصاب لأريه الفحوصات التي طلبها.

ابتسم الطبيب ثم قال:

- والله بعودة يا أنسة حبيبة

ميرسي يا دكتور

- واضح من الأشعة اللي قدامي ورسم القلب والمخ انه مش عندك اي حاجة

عضوية

مش فاهمة ..

- يعني انتي كويسة جسمانياً لكن نفسياً مظلنش

مجنونة يعني

- احتمال ايوة

حضرتك ازاي تقول عليا مجنونة؟ انا ممكن اقفلك العيادة دي دلوقتي حالاً

- انتي سألتني سؤال وجاوبتك عليه ومش شايف اي مشكلة في كدة

انت ازاي مستفز كدة!

- وانتي ازاي حلوة حتى وانتي متعصبة!

إن الهدايا التي تأتي بشكل مفاجئ تكون جميلة جدا جدا.

- لابسة ومتشيكة ورايحة فين يا أستاذة حبيبة؟

رايحة عند الدكتور يا ست هدى

- ويا ترى اسمه ايه بقى الدكتور اللي بقيت تروحيله من غير ما اتحايل

عليكي؟

ابتسمت بشكل ملحوظ وأجبتها:

نادر .. اسمه نادر

- لأوضح انه نادر فعلاً..

"لم يكنُ أبداً من شروط الحُب أن يكونَ المرءُ مثالياً ، أحببتُ فيكَ تلك الشدة

التي تُخفين بها ملامحك البريئة وحُزنك النقيّ ، إنني يا حبيبة لا أنوي الوقوع في

حُبِّكَ ، فمثلُكَ لا يجعلنا نقع بل نقف بكل قوتنا ، هلاً كنتِ حبيبتِي؟ .. إنني يا

رفيقة الورد أحببتُ فيكَ التزامك الصّافي واعتذارك عن التأخير لأنك أردتِي ألا

تفوتِي الصلاة في وقتها، لم يكنِ يجب أبداً أن تنعكس أشعة الشمس على عينيكِ

أثناء الحديث، إننا لم نتعلّم في سنين الدراسة أن نصرف أعيننا عن اللأئي ..

ذكّرني أن أغلق النافذة المرّة القادمة حتى لا أغرق في عيونك التي تشبه العسل

المُصقَى .. وإلا سيضطر كلانا للبحث عن طبيب، إنني في أشد لحظات المرض وإنك
بإذن الله الدواء".

هكذا ختم الطبيب رسالته لي وكنت أشعر وكأنّ رُوحِي توهّجت لكنه لا يعلم عني
شيئاً، لا يعلم كم الحروب التي اضطررت أن أخوضها مع نفسي ومع العالم حتى
أبدو بهذا الثبات، لا يعلم كم وُجّهت لي اتّهامات ..

إن الطبيب الذي ذهبْتُ إليه لأصبح بخير، أصابه المرض.

جاءت أختي وحاولت التحدث معي حين رأته عابثة.

- يا بنتي بتكتبي ايه؟

معلش يا هدى مش حابة اتكلم دلوقتي

- يا حبيبة انتي بتكتبي كل حاجة بتحصل في مذكراتك بالحرف

وايه المشكلة طيب!

- مفيش مشكلة بس ممكن تتكلمي معايا مثلا يبقى أحسن

لأنا مرتاحة كدة

- طيب كنت عاوزة اقولك انه قضية بابا بعد بكرة والمفروض نكون كلنا

موجودين

والله يا هدى مليش مزاج ارواح بس هاجي عشان خاطركوا.

"محكمة"

كان الحضور يملأ القاعة والصمت يعم المكان ثم جلس القاضي وأشار لرجل

طويل البنية ليبدأ الدفاع فأدركت حينها أنه محامي أبي.

- إن موگلي يا سيادة القاضي بريء من كافة التهم الموجهة إليه، فعدم وجود

دليل مادي كافي يعني بلا شك أنه لم يرتكب أي جريمة وأن أحدهم يحاول

الإيقاع به لكن المؤسف أنها ابنته التي تعاني من اضطرابات نفسية ومعني

أوراق تثبت ذلك وبحوزتي بعض الأقراص التي كانت تتناولها كعلاج لكن

سألت حالتها مما أدى لبعض الهلوسة والانفعالات الغير الواضحة وهذا

يعني أنه لم يكن يجب أبداً الأخذ بشهادتها ضد أبيها.

كان القاضي يستمع إليه بإنصات شديد وأبي ينظر بحُزن وفي الجهة المقابلة

يجلس أخي وأختي ونادر بجوار بعضهم ينتظرون الاستدعاء لمنصّة الشهود ثم

ذهب المحامي وأعطى القاضي تلك الأشياء التي لا أعلم عنها شيئاً.

سأله القاضي:

- في حاجة تاني عاوز تضيفها؟

لأ دي كل حاجة ، شكرا يا سيادة القاضي بس عاوز استدعي أخت المدّعية

وإبنة المدّعي عليه لمنصّة الشهود.

همس القاضي في أذن الحاجب فاستدعي أختي للمنصّة ووقف المحامي أمامها

وشرع بالكلام.

- قولي والله العظيم اقول الحق

والله العظيم أقول الحق

- حبيبة أختك مريضة وتتعاطى نوع معين من الأدوية صح؟

هي بيجيلها تهيؤات أحياناً ويغمر عليها لكن معندهاش مرض معين وكانت

بتاخذ مهدئات ومنوم لكن مش باستمرار

- وده معناه إنها غير صحيحة نفسيًا

لأ يا فندم انا مقولت كدة، أختي مرّت بصدمات نفسية لكن مش لدرجة

المرض

- تمام اتفضلي مكانك

جلست أختي واستدعى الحاجب طبيبي نادر الذي ما إن قال القسم توالت الأسئلة

فوق رأسه.

- الأنسة حبيبة مريضة عند حضرتك يا دكتور؟

مضبوط

- ايه نوع المرض؟

أجابه نادر في استنكار

هو مش مرض الحقيقة .. ده حُزن ولو الهيئة الموقرة في نظرها الحُزن

مرض، يبقى كلنا مرضى

- يعني حضرتك مش شايف إنها بتعاني من اضطراب نفسي معين؟

لأ يا فندم الفحوصات أكبر دليل على إنها كويسة جدا ومفيش اي مرض

- طيب ليه مازالت بتتردد على عيادة حضرتك .. هل في حاجة تانية غير

الجلسات مثلا!

احمر وجه نادر من شدة الدهشة ونظر إليّ فحاولت تهدئته بنظراتي فتابع قائلاً:

- أيوة في حاجة تانية ، حبيبة بتحكي لي كل حاجة حصلت من يوم وفاة والدتها

وكل كلامها منطقي ومش كلام نابع من هلوسة مريض

وإيه بقى الشيء المنطقي اللي هي قالتها

- إنه يوم الوفاة الصبح شافت باباها بيعمل حاجات في العربية ولما سألته

قالها انه بيصلحها عشان بايظة وبعد الوفاة تبين السبب انه حد قطع

فرامل العربية

تعالى أصوات الحضور وصاح القاضي بالهدوء فصمت الجميع وكانت الدهشة
تعلو ملامحهم.

فسأله المحامي وهو ينظر لي:

طيب وليه منقولش إن دي من ضمن الحاجات اللي اتخيلتها الأستاذة

حبيبة؟!!

- أنا قولت لحضرتك انها مش مريضة

واختها قالت انه أحيانا بيجيلها تهيؤات

- مفيش بنت هتتخيل انه باباها سبب في موت مامتها بدون سبب!

هو حضرتك المحامي بتاعها؟

- انا بقول الحقيقة يا فندم

طيب والحقيقة دي مبنية على واقع ولا على مشاعرك تجاه حبيبة!

- مشاعر ايه حضرتك؟

ويا ترى بقى سيادتك عارف إنها كانت حامل من زوجها الاولاني واتخلصت

من الطفل!

- حبيبة مكانتش متجوزة أصلا

بس الطبيبة النفسية اللي زارتها في السجن وماتت بعدها مباشرة بنفس

الطريقة اللي مامتها ماتت بيها كانت بتقول انه حبيبة أثناء التنويم اعترفت

بالحمل

- الطبيبة دي يا فندم كانت والدة طارق خطيب حبيبة واللي كان سبب في

موت ملك صحبتها وكان على علاقة بهدى أخت حبيبة.

شعرت أختي بصدمة شديدة من كلام طارق عن أبي وعنهما، لم تكُن تعلم أن نادر

يعرف كل ذلك .. الغريب في الأمر أني لم أخبره بها ولا أعلم من أين أتى بكل تلك

الاشياء لذلك شعرت بالدهشة أيضا.

طيب وحضرتك عرفت كل ده منين؟

- معتقدش انه الطريقة هتفرق مع حضرتك

لأطبعا تفرق لأنه كلامك ده هيخلي القضية تاخذ منحى تاني خالص.

نظري نادر نظرة اعتذار وقال:

- من مذكرات حبيبة

شعرت وكأن أحدهم سكب ماءً ساخناً جداً فوق رأسي وأخذت الأفكار في الغليان

فسأله المحامي مسرعاً:

وفين المذكرات دي؟

- في بيت حبيبة

طيب وحضرتك يا دكتور حصلت عليها ازاى؟

- كانت مع حبيبة في جلسة وأخذتها بدون علمها

طيب وحبيبة اكتشفت حاجة زي دي؟

- ايوه ورجعتها لها بعد يوم لكن مقولتش إنى قرأتها

لم يعرف المحامي ما يقول ونظر إلى القاضي ثم طلب منه التأجيل لحين الحصول

على المذكرات

رُفعت الجلسة

أودّ أن أقول أنّ كل شخص لديه حياته وأسراره الخاصة التي لا يعلم أحد عنها شيئاً، لم يكن يجب أبداً أن يحبّني أحدهم بدافع الشفقة ، ربما كان يجب أن يعلم الجميع عن تلك الاسرار حتى لا تزداد حياتي سوءاً.

كنت أكتب على أمل أن يجدها أحدهم يوماً.

اليوم حدث شيئاً غريباً جداً، كنت في حفل عيد ميلاد صديقتي وذهبت إلى غرفتها لأحضر المناديل فوجدتها ملقاه على الأرض تحيطها الدماء ولم أدري ماذا أفعل سوى الصراخ لكن لم يسمعي أحد بسبب الموسيقى الصاخبة فقررت النزول للأسفل وبمجرد أن وصلت كانت صديقتي تطفئ الشموع فعدت مسرعةً إلى غرفتها ولم أجد شيئاً.

لم أصدّق ما حدث وحاولت إقناع نفسي أنني كنت أتخيل.

في اليوم التالي ذهبتُ إلى الجامعة لأجد صديقاتي يتحدّثن عن خبر وفاتها والطريقة

الشيعة التي ماتت بها .. هجوم حيواني!

لم أستطع تحمّل الخبر فاتّجهت بعيداً عنهم وصرت باتجاه الغابة وشعرت وكأنّ

أحدُهم يتبعني فتوقّفت ونظرت خلفي لأجد طارق، ذلك الفتى الوسيم الذي يمتلك

عيوناً عسلية تشبه الشمس قبل الغروب.

اقترب منّي وقال:

- ازيك يا انسة حبيبة

الحمد لله

- انا اسف اني مشيت وراكي بس كنت عاوز منك طلب

خير يا مستر اتفضل

- كنت عاوز رقم باباكي لأنني عاوز اتقدملك

بس انا معرفكش أصلا

- ماحنا هنتعرّف بس بعد الخطوبة إن شاء الله

طيب وليه واثق كدة إننا هنوافق

- مش معقول توافقي في الحلم وترفضي في الواقع

تمت خطبتي على طارق وكنت سعيدة جدا لكن كالعادة لم تكتمل فرحتي ليس لأنني

لا أملك القدر الكافي من الحظ بل لأنني محظوظة إلى أبعد حد.

أيقظتني أختي وكانت تحمل كوب ماء

- حبيبة

نعم يا هدى

- انتي نايمة بقالك كتير واحنا قلقانين عليكي

حاسة بصداع فظيع جدا يا هدى .. هو انا نايمة بقالي أد ايه؟

- انتي نايمة من امبارح المغرب والعصر قرّب يأذن

يا نهار ابيض! كويس انك صحيتيني

- انتي كويسة؟

حلمت حلم بشع جدا يا هدى

- حلم ايه؟

هو بابا فين؟

كانت تصارع دون أن يدري أحد، فحبيبتني لم تستطع أبداً البوح بما يدور في

صدرها وحين اكتشفت إصابتها بالمرض ظلت صابرة محتسبة حتى لا

تصيبنا بالحزن.

تم تشخيص حبيبة في العاشر من فبراير الماضي بورم في الدماغ وحين أردت

إخبار عائلتها جعلتني أقسم على ألا أفعل وأن أتركها ترحل بسلام.

كان ما يقلقني حقاً تلك الأشياء التي أخبرتني أنها تراها وتشعر بها وكأنها حقيقية

وطلبت مني ألا أعاملها على أنها مريضة وفعلت لأنني أحببتها جدا للحد الذي لا حد

له حتى إن ضحكاتنا العالية لم تفارق عقلي .. تلك الضحكات التي كانت تطلقها

أثناء حديثها عن محاولة إقناع أبيها أنها ذاهبة لزيارة صديقتها ملك.

كنت أشعر دائماً أننا جميعاً مرضى وأن حبيبة ومن مثلها هم الوحيدون الذين

يملئون العالم بالخير.

حبيبتي كانت تصليّ أولاً ثم تفعل كل الأشياء الأخرى.

أتذكّر أنّها في أحد المرّات أتتني باكية فظننت أنّهم علموا بالأمر في بيتها لكنّها كانت

تبكي لأنها لم تدرك صلاة العصر في اليوم السابق.

كانت تخرج من جلسة العلاج الإشعاعي مبتسمة وكأنّ الأميرة خاصّتي عادت من

حفليّ للتوّ.

أخبرتني أنّ المرض يسبّب لها اضطراب في التفكير والنوم ونوع من الهلوسة وأنّه

يجب أن يعلم عائلتها في القريب العاجل لكنها رفضت بشدة وأخبرتني أنّها أعطتهم

القدر الكافي من الحُزن حين رحل طارق وأنّه ليس من العدل أن تمنحهم جرعة

أخرى من الألم.

إننا في منتصف إبريل وإن رائحة الياسمين تملأ الجو وكأنّها رائحتك وأراك ترتدين

تاجاً من الورد وتتجوّلين في الطرقات مانحة بستان الورد المقابل لعيادتي شيئاً من

عطرك، ذلك العطر الذي يفوح من روحك.

"خايفة تقع في حبي".

هكذا ختمتي آخر لقاء حين التفّي لتودّعيني فابتسمت لكِ على أمل أن أخبركِ في

اليوم التالي أنّ الثبات أمام قلبك جهاد يا سيدتي الأنيقة.

إني بحق الله غفوت

وإنّ روحك لروحي

وإن كنتي ألماً عابراً

لكني مُكابِرٌ و غفوت

أميرتي ما أنا بملاكٍ

حتى وإن تجمّلت

لم أكن أبداً شاعراً

لكّتي في ذِكرِ حُسنِكِ كتبت

من مجهولٍ إلى

تلك التي تشبه الورد

- أنا شايقة انه غلط ننشر مذكراتها يا دكتور نادر

لازم يا هدى .. لازم العالم كله يعرف أد ايه حبيبة كانت إنسانة جميلة وان

الأرواح اللطيفة وجودها مؤقت حوالينا.

- بس دي أسرارها وفي حاجات محصلتش وكانت بتتخيلها بسبب المرض

الحقيقة الوحيدة الثابتة في كل كلمة كتبتمها يا هدى وكل حاجة حسّت إنها

بتحصل حوالها ومشاركتهاش مع حد إن حبيبة لما حبتّ كانت بتحب بدون

مقابل.

يقولون أنّ الصمت في حرم الجمال جمال وأنا أظنّ أنّ الصمت في حضرة الحُب

محض خيال، ربما في عالم آخر تلتقي كل حبيبة بذلك النّادر، ربّما تجمعهم

الفردوس.

نبذة عن المؤلّفة

الاسم: غادة خالد الحداد

مصر_ الشرقية

حاصلة على شهادة من كلية التربية قسم اللغة الانجليزية - جامعة الزقازيق

”لي مجموعة قصصية تمّت ترجمتها للانجليزية وتلاها ديوان شعر على وشك

الاكتمال“

أعمال سابقة النشر:

لا يوجد